



Maršala Tita 25, 71000 Sarajevo

Broj: 150-15-4-2005- 5 /21 SAK
Sarajevo, 08.11 2021. godine

Na osnovu člana 70. stav (1) i (3) i člana 89. Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke robe – rezervni dijelovi za servere i desktop računare

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – rezervni dijelovi za servere i desktop računare, putem konkurentskog zahtjeva za dostavu ponuda, dodjeljuje ponuđaču ASPO RAIL d.o.o. Sarajevo, u svemu prema Ponudi broj: 185/21 od 22. oktobra 2021. godine.

Član 2.

Ponuda ponuđača iz člana 1. ove odluke, glasi na iznos od:

24.885,00 KM bez uračunatog PDV-a

(slovima: dvadesetčetirihiljadeosamstotinaosamdesetpet konvertibilnih maraka i 00/100)

odnosno

29.115,45 KM sa uračunatim PDV-om

(slovima: dvadesetdevethiljadastotinupetnaest konvertibilnih maraka i 45/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za informacione tehnologije, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Obrazloženje

Postupak javne nabavke robe – rezervni dijelovi za servere i desktop računare, putem konkurentskog zahtjeva za dostavu ponuda, pokrenut je Odlukom o pokretanju postupka, broj: 150-15-4-2005-2/21 SAK od 05. oktobra 2021. godine. U skladu s tim, Centralna banka je 22. oktobra 2021. godine na portalu Javnih nabavki objavila Obavještenje o nabavci broj: 1370-7-1-458-3-276/21, te uputila Poziv za preuzimanje Tenderske dokumentacije putem konkurentskog zahtjeva sljedećim ponuđačima:

- ASPO RAIL d.o.o. Sarajevo,
- INTER – COM d.o.o. Zenica,
- ZERICK d.o.o. Sarajevo.

U roku određenom za prijem ponuda, odnosno do 22. oktobra 2021. godine blagovremeno su dostavljene tri ponude sljedećih ponuđača:

- ASPO RAIL d.o.o. Sarajevo,
- INTER – COM d.o.o. Zenica i
- ZERICK d.o.o. Sarajevo.


Komisija za provođenje postupka javne nabavke je izvršila pregled i ocjenu ponuda i konstatovala sljedeće:

- ponuda ponuđača INTER – COM d.o.o. Zenica ne ispunjava sve uslove tražene tehničkom specifikacijom. Ponuđač je u dostavljenom katalogu za stavku 2.2.2 Obrasca za cijenu ponude - SSD 2.5" ponudio SSD sa 100 TBW (Terabytes Written), a traženo je 120 TBW ili više. Također, za istu stavku je tražena brzina pisanja 500 MB, a ponuđač je ponudio 450 MB. Dalje, za stavku 2.3.1, ponuđeni SSD NVMe ima kapacitet od 256 GB, a traženo je 260 GB. Za stavku 8.2.1 ponuđač je ponudio neodgovarajući univerzalni adapter.
- ponuda ponuđača ZERICK d.o.o. Sarajevo ne ispunjava sve uslove tražene tehničkom specifikacijom. Ponuđač je u dostavljenom katalogu za stavku 2.2.1 ponudio kapacitet manji od traženog (traženo 260 GB, a ponuđeno 256 GB). Za stavku 2.3.1 - SSD M.2 NVMe, ponuđen je kapacitet od 250 GB, a traženo je 260 GB.
- Ponuda ponuđača ASPO RAIL d.o.o. Sarajevo ispunjava sve uslove tražene tenderskom dokumentacijom.

Shodno navedenom, Komisija za provođenje postupka javne nabavke je u svom Zapisniku o pregledu i ocjeni ponuda, broj: 149-15-4-2096-7/21 od 26. oktobra 2021. godine i Izvještaju o radu komisije sa Preporukom broj: 149-15-4-2096-8/21 od 26. oktobra 2021. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

**GUVERNER**
dr. Senad Softić

Dostaviti:

- učesnicima u postupku (original)
- guverneru
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za informacione tehnologije
- u spis predmeta (original)
- arhiva